

樊山全集

二家詞鈔序

會稽李先生嘗曰今世詞家獨吾與子珍雲門耳然見人佳作輒稱嘆不置嘗曰周東鵬人品猥下至其小詞花間不逮又從余扇頭見張繫文大令詞嘆曰世未嘗無作手也居常輕復堂先生及見復翁評余東溪草堂樂府則又曰非解人不為此語世皆疑先生偏心易怒不知其愛才若渴月旦極公也先生填詞始道光庚戌其少作曰松下集僅存十三首自己未入都乙丑還浙中間羈旅幽憂兵戈危慄感時傷逝水嘆長言所為樂府探原小雅把臂三閭溫韋以下不中作僕追辛未計偕再官農部自是遂無歸山之日賀湖烟水禹廟鶯花一篇之中三致意焉時或結興蘭茝寓情巾幗要歸無邪之義無愆正始之音泊乎晚年彌入化境余少先生十六歲辛未春為登龍之始一見若平生歡及丙子報罷居先生宅過夏遂與汝翼張夫仲彝子珍同受業焉先生尤重余是冬居保陽書局先生寓書曰文章骨肉之契微吾子無可語者每有所作必錄以見詒余所得先生詩詞書牘積一巨簞燬於庚子之變為可惜也先生詩及駢體文先有刻本散文則甲申歲屬余壽平鈔得四十許篇今已散佚詞則辛未以前手鈔成帙自後所作散見日記中張夫京卿錄為一冊先生併手稿授之曰吾詞盡於是矣先生歿四年余再入都張夫以詞鈔授余俾付手民遲至今日始果此緣因先生視余為黃梅之慧能蘇門之淮海遂附拙詞於後題曰二家詞鈔恨秦越間阻求子珍詞不可得吾曩欲刻四家館課近欲刻三家詞皆僅得二家而止若伯熙廉生子珍者並人海虬鸞神仙官府遺鱗墜羽俱足千秋終當蒐求付梓以竟吾志不使幽冥之中負此良友也光緒壬寅五月樊增祥叙

二家詞鈔卷一

霞川花隱詞

會稽李慈銘疏客

今天下之學未墜者其詞乎蓋其道卑下其語輕弱儂薄之士多好之公卿大夫稍者風雅者又喜其近乎俳優諂諛而稱重獎借漸相模倣於是上下靡然以為天下之不必讀書而工者莫此若也上之可結嚴貴要為曳裾吐茵之媒下之可以說閨檐狎歌舞弄蘭贈芍為褻修之具酒邊花間人為一集而世之變遂日亟詞之雅道亦遂以亡嗚呼余所見世之人蓋有喜為淫豔側媚之詞而所行務與之稱者然則人之自託於文學可不慎歟予少不解此其始為之也在道光庚戌蓋較他所著為最後其所作亦於山水間為多乙卯冬嘗刪定為一編名曰松下集自後作更稀至間歲不得一二人都以後行事乖迕精神流漂感觸益多篇什稍富蓋美人香草之旨所不免矣士友傳寫遂在人口惡事千里君子所羞知我者以為展禽阮籍則可耳鈔此編者所以志予過也同治壬戌四月霞川花隱生自序

霞川者越地水名而李氏世居其側者也越西門外為迎恩橋下為直河古運河也東距姚江西距錢江而自迎恩橋西至高橋凡五里曰霞川高橋以東有村曰霞頭左為青田湖右為大樹港而迎恩橋之北別為橫河橫河直河之間予家焉蓋自有明迄今歷十一世五百餘年田宅相望不見兵火至去年辛酉九月粵賊陷紹而故里盡焚家藏困學樓書萬卷無一存者所為松下集者亦已化焦土之一塵矣豈天之欲大吾學而不欲以無謂之文字留於世耶抑命之奇蹇者雖無用之文亦必使其泯焉無所見耶豈以其技之不足以悅人故為之藏拙而欲其求工於兒女子之所為耶是皆不可知也則此編也他日之傳與不傳又不可得而知也夫子之為此蓋亦在

有意無意之間而能必造物之去留哉然則世人之愛憎又烏所用其心也題曰霞川花隱詞者志無一日去其鄉也霞川平直演迤無幽深渺瀰之觀其地衝要雜闌闌無他可稱而川之兩旁居人頗植桃李春時花開舟行其間遠山映發烟水爛漫每至晨霏夕暉之際立紅橋上望之層絳間素迤邐若霞益閒居之樂歌詩之興水邊林下斯時為多矣故以自號兼以名詞云蒨客又書

浣溪紗

松下集

睡燕鑪香裊午絲碾茶聲裏捲簾遲等閒又過日長時
碁局閒尋飛絮點風箏曳折小桃枝當年何

事解相思

字字幽豔赤城慶湖詞中無此超詣王孟調

少年遊

甲寅春日賁病柯山蘿菴僧院

暖風遲日杖藜輕挂酒且閒行山家桑柘溪橋楊柳隨處聽啼鶯
歸來笑撚花枝嗅茶榻午煙清裊

房似水香爐鵲尾剛對淨名經

名佳如蘭章語可謂此道中清絕之作非石湖放翁一輩人以江湖疏放語為詞中清淨者所能夢見 孫蓮士

買陂塘

甲寅三月十五日別蘿菴將遊武林日暮下山桃花落盡寒更渡口為賦此詞

但怱怱蒲團一覺仙源非復前度亂紅飛盡清谿暗誰與斜陽為主春又暮問樹上流鶯經幾閒風雨
畫船自渡祇那日門前依依流水鳴咽學人語
還記得倩影盈盈載路蝶夢細柔無數斷腸只有花
能解費盡酒邊詩句嗟我誤悔不向花間荷鍾同春住明朝甚處待載得香魂蘇家墳畔吹笛蹋青去
清空質實婉轉流麗長調觀止徐新更能消幾番風雨一闌不得專美於前徐葆意

金縷曲

杭州寓樓阻雨不得遊湖上

笛裏尋春起恁思。江東客到落花天。氣水樣年華塵樣事。汗漫湖山能幾況。蠟履漸難料理。十載蘇
偃楊柳約。問鬢髮今日。掠人未。攀折處可憐意。朝來幾。偏闌干。倚惱無端。烟屏雨困。和愁難寄。芳草
西南湖寺路。應盼青絲遊騎。誰與說春歸容易。把酒無聊。尋燕子。訴東風不解。儂來意。還暗祝明朝霽。
南宋詞有極可愛者。叙次宛折。情事畢列。使人讀之意消。故非北宋以前所能超越。素不喜。北宋而此作清麗。字轉自為清真。以後風調雨順。腸蕩氣政。令按拍者不能自己矣。孟調。

聲聲慢

武林遊蔣氏廢園

牆垂薜荔。砌上莓苔。愁痕剛界朱欄。杏白梨紅。次第做盡春寒。曲池抱階如鏡。問何人。照影窗前。斜陽
地。指葦草翠。草曾閣秋千。我本傷春狂客。趁蝶簾燕。戶細隊。簫聲送酒。遲來花間。誰擘蠻箋紅樓。只
今已改。賁殘題。猶在屏山。歸去晚。聽東風。盈路杜鵑。
淒怨語。婉婉掩抑之音。孟調。

行香子

四月侍太夫人過湖塘村欲結小園居之賦此見志

十里平山。十里平川。更平林萬綠參天。水邊樓閣。屋後園田。擬買歐磯。買雲嶂。買漁船。處處流泉。市
斷橋連。羨村居何啻登仙。幾時奉母。築舍花前。好看斜陽。看飛瀑。看炊烟。

百字令

秋日讀史

中年到也。嘆封侯骨相。奇零如此。熱血一腔。何處灑。日飲亡何而已。落水三公。墜車樓射。早冷人間齒。

先生休矣雖佳何與人事 可惜濁酒空巖短衣磨落又是東風起百歲胸懷行不得寂寂虛生斯世
勛業羊頭文章牛後短盡英雄氣古今邱貉一編且對青史

字字穿雲裂石青史卻步龍洲捧足矣 蓮士

沁園春

被酒感事

釀酒峯顛四顧蒼茫黃塵漲天正花門入衛縱橫部曲蒲類

平

駐泊慘淡樓船礮火金山陣雲鐵甕回

首留都問罪年感今昔想淮陽畫像尚動凌煙 布衣夢繞刀環奈日日從人射虎還天馬侯已老偏

當戎落檀公善走屢擁先零 連捫鉅憑陵彈箏睨江左如卿孰比肩街杯外只斜陽衰草滿眼關山

此越鐵生去秋所作時訪君城西草堂據庭下老梅布席對銀雨開語及連鎮久圍未克金陵大營數
有警耗慷慨擊案遂成此解突兀凌厲之氣真學歐石虎力也其用事奇密寄意深沉尤非斯人不辦

調五

水龍吟

乙卯春日坐後圃柳下作

小園偏是楊花濛濛做盡東風色幾回若子雨絲如夢已過寒食選石安琴菱枝布几暫消遲日看細

桃落處首錢滿地剛繡出春愁跡 可嘆年年華髮且連朝玉缸狼藉溪岸桃菜牆頭度饌漫通殘客

一覺斜陽風前酒醒解衣吹笛又黃昏近也梨花月底襯闌干雪

疎後自非獨火中人語 孫蓮舫

鳳凰臺上憶吹簫

七夕坐雨有憶

葉隋初鴻花留宿蝶坐雲低擁屏山恁銀河化漫灑偏人天偏是流螢有意入疎簾猶覓花鈿更宵靜

玉窗風觸時響爭紅 當年倩黃姑作證辨一炷心香蘭夜同燃奈星橋烏鵲不會傳箋獨自鍼樓狀

病更無人相倚懽懽但長守斷絲蛛合誰與纏綿

王田所謂清室質實者結鄰回腸九折此我家伯與所以從為情死

孟調

賀新涼

東王平子病起

誰喚天公醉嘆人間徧遭白眼鬼猶如此駭絕王棺還未下爭說巫陽行矣

君病劇時有傳已死者欲鍊盡窮途

名字便是王嘉償債畢問去來何與癡兒事此間樂恐非是

年來我亦工逃以正通天赤章奏醺緋

衣休至君本靈芝宮裏客隔水猶呼時未

君姓字俱與王安國同故用靈芝宮夢遊事

算暫讓仙家十賚忽地秋風迴服鳥

再從頭料理千秋計畫到日為予起

他人尚不可開况僕耶

孟調愈嬉笑乃愈況痛空靈婉妙韻華

音繞梁三日蓮解

春從天上來

秋日強酒

咄咄書囚悶麴部諸賢肯與吾遊登山臨水儘意綢繆人生作達都休縱杜康焦革能消得幾斛窮愁

只朝朝待壚邊換酒未辦貂裘

漫道沙場食肉便醉鄉論賞李廣難侯樹下飽壺菊間癭杓膏能直

過今秋更說羹臠膾付樵青點檢厨羞任爾惜吾家僕射勿築糟邱

用事入他藹藉之氣勝人故非梅蓮士氣息如陵輩所及

醇厚孟調

沁園春

乙卯秋夜落一當脣牙是相家所忌者賦此解嘲

牙爾何為脣吻之間誰來抵巇記免懷學語常膠香餌成童毀齒屢繫輕絲拾慧難防笑人易冷深悔

年來欠護持金剛壞便因風咳唾珠玉參差兒曹莫道吾衰正開寶容君出入時祇未漱石礪先難

忍倘逢罵賊嚼竟何施蔗滓功勞齎根身世未報紅綾已若斯從今世但投梭善避不廢歌詩

名言惜出字字

佳水此以知大智力人小作游戲自不等野狐狡獪

孫子久

右詞十二首皆已入松下集予自庚戌秋賦菩薩蠻十餘闕多擬花間為作詞之始癸丑甲寅間喜填約調宮商僻澀誦之凄硬至乙卯冬剛定得百餘首亡友布衣陳開谷為草寫成帙更欲覓佳手寫以登木恩恩未果今已不可復見而散存行笥練帙中者猶六十餘首痛汰治之僅錄此數列於卷前聊誌一時境界而已舊有友人評語雖多阿好亦自可念今蓮舫孟調墓草久宿寶衣以難姚江蓮士流徙嶺嶠音徽半沫光景猶新仍錄存之以寄山陽思舊之感癸亥上巳越縵

書於京邸

賈陂塘

丙辰二月初二日感舊

驚今朝仲春初二玉晨重見瑤侶鈿蟬細蝶新梳削回首那人風度青鳥去看碧落高寒又恐嬌難住夢雲慣阻記夜雨重門畫堂燈畔雙鬢唱金縷東風驟吹墜瓊華如許秦臺零落珠樹小庭香霧回廊月都是舊經行處花底語問花上流鶯也為儂悵楚鳳笙漫譜指柳下闌干共伊凭後十載冒飛絮

蝶戀花

丙辰花朝小雨

豆蔻梢頭春一寸些子柔紅生被朝烟困碧玉年華都未省家家先下黃鸝聘夢雨連番花噤瘁水樣輕寒伴喚細桃醒簾外鑪香扶採勝綠窗人語東風近

掃花遊

花時諸同人約為雲門之遊滯雨成旬春光半矣山中芳信眷焉於懷與王井同賦

冶春百五過幾度東風杏衫寒峭雨聲易老恁些紋點絮盡成吟稿綠瘦蘊烟寒地簾垂夢悄燕歸早
待宿醉醒時花落多少烟約今未否但蠟屐商量可堪芳草更移鏡棹認溪光寺影潑青如瀑深盡
啼鵲知有山桃怨曉濕雲歸鎮支笻晉時斜照

浣溪紗

丙辰清明微雨

冒戶蛛羅細塵紅關到處近流鶯絲絲暮雨玉簫聲柳絮慣飛連日暖桃花嬌助一分晴閒調鸚鵡
過清明

虞美人

新河孤館聽雨

黃梅一例纖纖雨分外淒淒楚泥衾絮煞一燈嬌不信人間還有可憐宵更兒捱盡人誰共揀得都
無夢雨聲斷續枕邊聽依約紅簷簾底打棋聲

浪淘沙

往事慣消魂銀甲金尊蜘蛛應罩舊題痕孤館簾垂燈上早雨到江村夢裏暫溫存祇欠分明花陰
燕子鎖重門兩地酒醒香燭後一樣黃昏

水調歌頭

蕭山丁蘭叔屬題大碧山館圖

山色不知處出郭便蒼然柳陰遮斷塵境久住合成仙更割菰湖半頃蕩得陰樓如水人影碧于烟倚

鏡和瑤笛臂脯奏冰絃 坐鷗磯祖鶴徑買漁船相攜裙袂蘭夜圍燭闌鬢髮但有名花照眼拚盡千
鍾離甲沉醉紫雲筵蓋叔有角姬能琵琶願署玉山吏日掃露明軒

前調

秋日期子九蓮士夜泛東浦訪澈凡上人

秋色自來去終古不知愁江村今夜明月肯爲酒人留但掃蒼苔黃葉準備滄波一葦左右挈洪浮喚
起守門鶴來戲玉山頭 陳蓮壽死徐孺病阿平子平游更堪西笑長安汨沒海中鷗周雪鷗時屈官戶部
指卅年狂客剩此薜衣松桷點綴鑑湖秋鐘磬夜深寂吹笛下寒流

采桑子

丁巳秋夕

西風猛撼疎窗夢窗外鈴聲鈴外蛩聲併作新秋一夜聽 枕函低映羅幃月香是前生烟是前因人
共熏鑪過一生

水龍吟

丁巳中秋夜風雨橫甚賦此寄悶

百年如此今宵猜誰力挽銀河住長空一白萬聲都噤截天風雨斗大蟾宮魚龍翻動波濤秋怒恁奔
雷戰夕痴雲逼曉看長劍青虹吐 慘黯初鴻征路問天涯弄珠何處人間一霎排風吹浪廣寒知否
可惜江山不曾照出悲歡離聚祇願尊酒酒蒼茫獨夜喚冰夷舞

滿湘逢故人

寄孟調汁中

梁王臺上有西風倦旅彈缺銜杯一日幾徘徊
使客侯朱狎客鄒枚千秋巷陌問斜陽一例蒿萊
人說寒林歸燕信陵門下飛來應還憶滄海畔正西
鳬故山猿鳥爭猜孟調有西鳬山居秋色更番
催又菊散霜疎楓綻烟開紗巾漉酒喚雙鬟
費得安排風雲感于人甚事極船滿載菱回

洞仙歌

戊午春日置酒柯山七星巖賞桃花偕周叔雲編修孫蓮士助教陳珊士庶常同賦

翠雲缺處有花光紅沁青王重門鎖芳訊更經壇日靜藥徑烟深流水裏依約琴聲人影
瀛洲攜後
侶暫探仙源多恐秦人笑相問酒後俯危闌香絮濛濛驚雲外玉笙吹醒恁空地東風如細桃又添得
人間素塵一寸

臺城路

往時湖南山桃李最盛去冬大雪居人多吟作
蕭今春花事遂爾稀寂寥邊屋背寒落可憐為賦此解
碧陰悄悄重窳側嘶春玉驕來又山角蕪青畦
稜紫白頓失亂紅吹繡流鶯去後
騰燕子泥牆清明所
守記取門前一枝曾買翠釵溜
人生容易感舊疊東風萬恨都付絲柳流水香消題詩人老淚滿當
年羅袖花還怨否看名士傾城總難回首一例將愁夕陽芳草瘦

梅子黃時雨

連雨殢人幽窗理坐念西偏山水烟翠正濃安得釣筒茶具
搖漾蠻絲絮雪間也賦此東同人
餽釘陰晴乍中酒醒時愁思如許又倦柳千絲做成烟雨不信天涯今日裏
昏昏都是垂簾過鳩啼苦
竹粉翠樓斜照猶駐為語傷春舊侶恁微燼練帶消得朝暮看村瀑如潮林霏霧
霧好借一蓑湖上
去短篷綠簷鷓鴣波路山無數冷光潑青詩句

醉花陰

戊午初秋

藥銚絲絲烟一暈攪得鑪香嫩移燭枕幽邊六六燈屏著偏相思影刻機怯侵瑤沓冷銀箭捱更永
箇樣可憐宵斗帳低垂人共鷓鴣醒

南鄉子

新秋夜涼時有風雨疎衾夢斷占得此解

水樣夢初醒半絳燈花瘦不青索性起吹燈爐落惜惜綠映虛幃屋角星病骨忒伶仃一摺吟魂熨
繡衾窗外又聽疎雨過冷冷聲滿風前九子鈴

南歌子

蓮子星前碧蕉心雨裏紅天涯不礙五更風可是淒涼一樣到伊儂淚漬便涼惜甚多替夢重便成
睡去也匆匆索命疎鐘斜月各惺忪

洞仙歌

武林湖樓書見

湖光千尺接翠樓天半楊柳疎疎映窗扇蓋過欄低亞釵影纔分剛省識花裏捧簾人面橫塘曾幾
過道是無情怎得含嬌遞顰眼淺笑不禁癡略要回身又慙臂羞擡雙釧鎮羅袖長垂幾生修美一抹
疎紅夕陽珊檻

謁金門

己未春晚舟行吳淞江中

江上連臨水畫樓春早遲日養蠶簾影悄隔簾聞語笑朝暮蒲帆征棹愁見殢人芳草烟陌青青同
一稿夕陽無處好

祝英臺近

莫春遊畹城秦氏小山園

綺廊疏芳徑轉樓閣淺深見迤邐珠簾多半隔花捲殢人一曲朱闌是誰頻倚恁沾袖餘香猶暖恨
春晚回首檀板金尊年前幾歡宴題榜風流還問舊家燕國類為王烟客大常所書更憐臨水紗窗楊花堆雪正開
嫩嫩晴庭院

青玉案

吳門朱氏歌樓夜飲聽雨

金閨門外春江路只慣送離人去誰分征帆今夜住小樓紅燭畫簾檀炷來聽櫻桃雨 鈿箏繡殘催
頻數酒醒歌闌又天曙一晌貪歡能幾許醺醺金帳髮蟬香度後日思量處

浣溪沙

鳳尾香羅薄幾重用玉溪語柳綿一搭繡牀東並肩人語玉釵風 粉指印勻笙葉碧口脂吹上笛衣紅一

年春過夢遊中

貂裘換酒

京師被酒感賦

作計吾歸矣算長安衣冠物望如斯而已擾擾一羣烏白頸妄語便為名士祇君輩姓名難記但覺蓬
人都不識更天涯何處尋知己我與我周旋耳 此間無地堪沉醉便當年虎賁驕卒至今餘幾葉棘

胸中三斗許觸處即生芒刺總事事不如人意
滿江紅
滿江紅

燕中感事

落日荒臺憑誰信黃金無恙空指說頻垣蔓草郭隗門巷都邑祇今游俠少風雲要與悲歌抗更單衣短布拜秋郊荆高塚盧龍塞何蒼莽桑乾水常還往祇匈奴牧馬誰堪乘障贊普頗申和地議賢王自擇防秋將笑書生不及羽林兒封侯相

賈陂塘

庚申閏三月八日招庭並叔雲豫庭子恂雪甌珊士自香慈仁寺賞花時江南軍事甚急孤踪偶侶羈愁未瘳對酒傷春因賦此解

鎮消魂故園烽火天涯猶惜春晚客懷無賴尋花醉寂寞自來僧院禪榻畔但破帽茸衫留得高陽伴鳳城漸暖任清磬聲邊花開花落容易鬢絲換江南恨提起東風腸斷馬頭飛絮亂王孫已是無歸路說甚閒鶯燕花莫管便唱煞銅鞮那有金尊勸飄零自怨祇倚徧闌干長安芳草依舊夕陽滿臺城路

長安春夜雨聲達旦枕畔蕭瑟殊有山居淒楚之况愴然賦此

夜來孤館無眠慣雨聲更催天曙著戶簾開盡燭暗儘把閒愁來絮離情幾許祇枕淚衾重自家將護招徧蓮更暗中寫就斷腸句分明故鄉怨緒恁文園善病誰遣羈旅可憶年時空階點滴不似者番淒楚夢兒歸去問畫尺聲中今宵涼否燕子檐花記儂燈畔語

滿庭芳

庚申閏清明日客中扶病小游坊曲聞月下歌聲振觸舊懷含悵成詠憶自辛丑閏後再逢今日廿年夢影三月愁根懣往傷今殊難自己耳

啼鴂留春游絲惹夢天涯又聞清明夜涼人靜獨向六街行月裏幽坊如畫那門邊低度歌聲問誰傍尊前擲笛還似訴儂情 廿年前舊恨柳枝共挽私語調鴛鴦東風回首獨自飄零料得小窗今夜映梨花一樹冥冥可能把斷腸詩句月下念教聽

少年游

春夜偕友人醉行月下作

簫聲深巷月華勝水到處少人行青漆門邊丁香似雪低照粉牆陰 共君側帽天街上風露近三更歸夢紅橋琵琶畫舫山影柳冥冥

買陂塘

題潘味琴桐陰待月圖

鎮惜惜嫩涼庭院月痕黃到金井碧梧商略風廊語占得幾分秋影蘭夜靜恁水樣階陰剛要疎幰襯茶香漸近想理罷冰絃綠雲搖夢秋外藕花醒 年時事回首青鸞瑤訊紅蠶深鎖妝鏡琴心長影都何許零落舊絲銀綆休更問賸盡曲闌干閑煞無人凭畫中暗省辨水口從君 字衫藤簾來共鷺鷥聽

百字令

辛酉清明日同珊士子恂已蘭飲花下用稼軒韻

故園何處又清明芳尊斷腸時節病裏東風吹夢去曉枕醒來猶怯洞口桃花樓頭楊柳事事成輕別啼鴂難到傷心誰替儂說 猶有兄弟天涯尊韉瘦馬莫放三春月斷句酒邊還寄與花葉從頭親疊

羅帕兜香銀屏熨影薄福拊教折明年今日尊前重認華髮

洞仙歌

辛酉三月三日即事

春來蹤跡正殢花慵酒客裏閒情恁拖逗記昏黃門巷三月初三剛恰似楊柳藏鴉時候銷魂誰見得背解羅襦燭影金釵鬢邊溜人定翠幃香小枕單衫偏稱得個儂消瘦聽簾外東風又三更願人共梨花一春相守

臨江仙

春日病起理詠花下忽忽意書賦此貽人

一枕宿醒驚喚覺起來扶病閒行游絲關外午風輕羅衫人影薄偏傍小桃明三十餘年如夢裏春來春去多情多陽又傍短牆陰隔牆花缺處微有捲簾聲

浪淘沙

晚坐花下讀書作

柳外日西斜半臂涼些花陰多上綠窗紗讀罷道書人正倦閒數歸鴉短髻惜年華別恨偏賒春深遊客倍思家花落年年長病酒何況天涯

憶桃源慢

星齋少宰屬題桃花紅煞釣人居畫冊七字少宰舊句也

新水魚床小風鷗慢依約花深處斜陽門巷都與流鶯分住門外檣頭船子過聽打隔花殿鼓青山前面橋通路轉剛宜一角垂楊補更漁娃紅蓑裏鴨爭唱侍郎佳句可堪重問江南恁春來頓迷前度

舊家谿上誰認紅泥小戶還恐仙源無處避零落千重烟樹雨簷吹笛晴磯結網幾時重作花間主待
商量吊槌茶臼畫裏從公歸去

望江南

清明憶鄉居風景雜成六解

清明憶老屋傍霞川十里酒香村店笛半城花影佔人船水閣枕書眠
清明憶晴日跨湖橋堰下田家分翠麥柳邊亭子上紅簫到處好停撓
清明憶風景最湖塘新水暖香浮筍市亂山晴翠落魚牀斜日酒旗黃
清明憶小隱在柯山豆蔻灣頭攜榼渡桃花水口抱琴還暫伴鷺鷥閒
清明憶謝墅步頭船翠管銀篴楊柳海畫簾團扇麗人天花壓錦帆偏
清明憶來往鑑湖中笠影輕衫紅杏雨茶烟小艇綠簫風回首恁匆匆

蘇幕遮

題家書後

燕銜泥風落絮如此關山夢怯都難度三載飄零春又去但見春歸那有僂歸路
望吳書彙越樹臨
水登高總是傷心處落照平蕪天又暮門外雅啼不為愁人住

又

溼鴛鴦寒麝炷一樣今宵拋却春三五別後月圓知幾度不信天涯猶有團圓處
卜金錢裁尺素鵲
語燈花總是無憑據五月江城書到否擁髻開絨一枕黃梅雨

浣溪紗